

1496 magnum impedimentum afferebatur, plurimo usui ea in re fuerunt. quibus quidem navibus aliæ naves longæ complures additæ, eundem sane usum atque operam reipublicæ præstiterunt, hostium navibus, commeatibusque qui Triturritam invehebantur, deinde in eorum castra comportabantur, sæpe disiectis fugatisque, sæpe captis. Neque tunc terrestres reipublicæ copiæ in cessatione fuerunt, sed & castella hostium aliquot sunt ab iis capta, & legatus eorum Petrus Capo interfectus, & prælia nonnulla secundiora facta. Quo etiam tempore Pisani Librafactæ castellum ipsorum, quod ab eisdem Gallis, qui arcem Pisanam restituerant, etiam nunc obtinebatur, auri libris triginta præfecto traditis magna hostium invidia recuperaverunt. Omnibus autem ex utilitatibus, quas quidem classis exercitusque reipublicæ in medium ejus belli contulit, eæ crebriores neque postremæ fuerunt, quæ ab Græcis sunt equitibus profectæ. nam & prædæ sæpe ingentes abactæ ab illis sunt, & plurimi commeatus intercepti, & hostium turbata eorum audacia, atque celeritate consilia: quodque magis mirum videbatur, castella quoque ab iis nonnulla capta: cædes vero pluribus locis factæ: ut laudari & bene de republica meriti existimari jure possent.

Græcorum
equitum
sirenuitas.

Senatus &
Italarum
principum
consilia in
Gallor.

Dum hæc ad Pisas geruntur, e Gallia transalpina nuncii venerunt, ab rege Carolo reditum in Italiam magno studio comparari: ipsum paucis diebus ad Lugdunum fore: in via quidem certe jam esse. quamobrem Ludovicus a Senatu quæsit, *vellet ne, si Carolus urgeat, sibi exercitum & auxilia mittere*: nam se promeritum, ne quam sui curam respublica sumeret, probe intelligebat. Senatus ei respondit: *Tametsi Pisano bello implicata civitas esset, cui bello quanto studio, quantisque impensis opus sit, sciret ipse omnium optime, tamen se in eo tuendo non defuturum*. Simul Marcum Beatianum ad Helvetios misit, qui eis ab republica stipendium polliceretur, ne ad Carolum se converterent. Pauloque post, cum Triultius Gallorum manum secum ducens traje-